



## সংবাদ বিজ্ঞপ্তি

### জেন্ডার সহিংসতার বিরুদ্ধে ১৬ দিনব্যাপী কর্মকাণ্ডের উদ্বোধনে যুক্তরাষ্ট্র বাংলাদেশ সরকারের সঙ্গে যোগ দিলো

ঢাকা, ২৮শে নভেম্বর -- বিশ্বব্যাপী প্রতি তিনজন নারীর মধ্যে একজন কোনো না কোনো প্রকার জেন্ডার সহিংসতার শিকার হয়। কোনো কোনো দেশে এর হার ৭০ শতাংশ পর্যন্ত হয়ে থাকে। ২৫শে নভেম্বর আন্তর্জাতিক নারীদের বিরুদ্ধে সহিংসতার বিলুপ্তি দিবস থেকে শুরু করে ১০ই ডিসেম্বর আন্তর্জাতিক মানবাধিকার দিবস পর্যন্ত যুক্তরাষ্ট্র বাংলাদেশের সরকারের সঙ্গে ও আন্তর্জাতিক গোষ্ঠীর সঙ্গে মিলে জেন্ডার সহিংসতার বিরুদ্ধে ১৬ দিনব্যাপী কর্মকাণ্ড উদ্যাপন করবে। এই প্রচারণা জেন্ডার সহিংসতা রোধে আন্তর্জাতিক সহযোগিতার প্রসার করবে।

নারী ও শিশু বিষয়ক মন্ত্রণালয় এবং যুক্তরাষ্ট্রের প্রধান সহায়তা সংস্থা ইউএসএআইডি প্ল্যান বাংলাদেশের মাধ্যমে চট্টগ্রামের পাতিয়া কলেজ মাঠে ২৮শে নভেম্বর এই জেন্ডার সহিংসতার বিরুদ্ধে ১৬ দিনব্যাপী কর্মকাণ্ডের জাতীয় উদ্যাপন অনুষ্ঠানের আয়োজন করছে। মহিলা ও শিশু বিষয়ক প্রতিমন্ত্রী ড. শিরীন শারমিন চৌধুরী অনুষ্ঠানে প্রধান অতিথি ও রাষ্ট্রদূত ড্যান মজীনা বিশেষ অতিথি হিসেবে উপস্থিত থাকবেন।

জেন্ডার সহিংসতার বিরুদ্ধে এই ১৬ দিনব্যাপী কর্মকাণ্ডের এই বছরের স্লোগান হলো ঘরের শান্তি হতে বিশ্বশান্তি। ইউএসএআইডি'র মানবাধিকার রক্ষা কর্মসূচির বাস্তবায়ন অংশীদার প্ল্যান বাংলাদেশ পাতিয়াতে এই অনুষ্ঠানের আয়োজন করবে যাতে এর মাধ্যমে - একটি সহিংসতামুক্ত পরিবার শান্তিময় পৃথিবী গড়ার ভিত্তি - মূল বার্তাটি সবার কাছে পৌঁছে দেয়া যায়। জাতীয় ও স্থানীয় সরকারি কর্মকর্তাগণ, শিক্ষক, পুলিশ ও স্থানীয় নাগরিকসহ কম্যুনিটি ও ধার্মিক নেতৃত্ববৃন্দগণ ২৮শে নভেম্বর চট্টগ্রামে এই অনুষ্ঠানে অংশগ্রহণ করবেন। সারাদিনব্যাপী এই অনুষ্ঠানে নারীদের বিরুদ্ধে পারিবারিক সহিংসতা সংশ্লিষ্ট গান, নাচ ও মঞ্চনাটকের আয়োজন থাকবে। একইসঙ্গে, অনুষ্ঠানস্থলে একটি মেলার আয়োজন করা হবে যাতে তথ্য প্রদান ও পারিবারিক সহিংসতার ক্ষেত্রে বেসরকারি সংস্থা ও সরকারি প্রতিষ্ঠান দ্বারা প্রদত্ত সহায়তা সম্পর্কে জানানো যায়। আয়োজকরা মনে করেন যে অনুষ্ঠানটিতে প্রায় ১০০০ জন অংশগ্রহণ করবেন।

২০১১ সাল থেকে নারীদের প্রতি সহিংসতার প্রভাব ও ব্যাপ্তি রোধে ইউএসএআইডি মানবাধিকার রক্ষা কর্মসূচির মাধ্যমে বাংলাদেশ সরকারের প্রচেষ্টাসমূহকে সহযোগিতা করছে। সমন্বিত এই কাজের ধারাতে তৃণমূল ও জাতীয় উভয়

**EMBASSY OF THE UNITED STATES OF AMERICA  
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688  
E-MAIL: [DhakaPA@state.gov](mailto:DhakaPA@state.gov) WEBSITE: <http://dhaka.usembassy.gov>



# USAID | BANGLADESH

UNITED STATES AGENCY  
INTERNATIONAL DEVELOPMENT  
USAID

FROM THE AMERICAN PEOPLE

পর্যায়ে উপদেশমূলক প্রয়াস অন্তর্ভুক্ত যাতে আইনজীবি, বিচারক, চিকিৎসাসেবার সঙ্গে জড়িত পেশাদারগণ এবং পুলিশ বাহিনীর সদস্যগণ সহ কেন্দ্রীয় অংশীদারদের অংশগ্রহণ রয়েছে। একইসাথে, পারিবারিক সহিংসতা থেকে বেঁচে গিয়েছে এমন নারীদের ন্যায়বিচার পেতে ও আশ্রয়, চিকিৎসা সেবা এবং জীবনধারণ সংশ্লিষ্ট সহযোগিতা প্রদানের মাধ্যমে সাহায্য করা আর পারিবারিক সহিংসতামূলক জঘন্য কর্মকাণ্ডের ও মানবাধিকার লজ্জন করা আচরণের বিরুদ্ধে জনগণকে সোচ্চার করে তোলাও এই কাজের অংশ।

জেন্ডার সহিংসতা গোত্র, জাতি, আর্থসামাজিক মান ও ধর্ম নির্বিশেষে একটি বৈশিক মহামারী। মহিলা ও মেয়েদের জীবনের যে কোনো লংঘে এটা তাদের জন্য ছুটিকি হয়ে দাঁড়াতে পারে যার আরম্ভ নারী জ্ঞের ধৰণে থেকে শুরু করে নারীদের প্রজনন অঙ্গের ক্ষতিসাধন/কর্তন ও জীবনের ঘনিষ্ঠ সঙ্গীর দুর্ব্যবহার পর্যন্ত বিস্তৃত। জেন্ডার সহিংসতার কারণে নারীরা+ প্রজনন স্বাস্থ্য সমস্যা, গর্ভপাত ও যৌন সংক্রমনজনিত রোগ যেমন এইচআইভি/এইডস্ সহ বিভিন্ন জটিল স্বাস্থ্য সমস্যার সম্মুখীন হতে পারে। এরকম সহিংসতা মাতৃ মৃত্যু সহ শিশুদের দুর্বল স্বাস্থ্য ও হতাশারোগের কারণও হতে পারে।

১৯৭১ সাল থেকে বাংলাদেশের উন্ডৱয়ন সহায়তায় যুক্তরাষ্ট্র সরকার ‘ইউএসএআইডি’র মাধ্যমে ৬শ কোটি ডলারেরও বেশী প্রদান করেছে। ২০১২ সালে ‘ইউএসএআইডি’ বাংলাদেশের জনগণের জীবনমান উন্ডৱয়নে ২০ কোটি ডলারের বেশী প্রদান করেছে। এর মধ্যে অন্তর্ভুক্ত রয়েছে পরিবেশ ও জলবায়ু পরিবর্তন তহবিলে প্রদত্ত এক কোটি ৭০ লাখ ডলার। ‘ইউএসএআইডি’ যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচীর ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্ডৱয়ন, এবং অভিযোজন ও স্বল্প কার্বন উন্ডৱয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

চাকাস্ত যুক্তরাষ্ট্র দৃতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে [www.facebook.com/bangladesh.usembassy](http://www.facebook.com/bangladesh.usembassy) চোখ রাখুন।

EMBASSY OF THE UNITED STATES OF AMERICA  
PUBLIC AFFAIRS SECTION

TEL: 880-2-883-7150-4 FAX: 880-2-9881677, 9885688  
E-MAIL: [DhakaPA@state.gov](mailto:DhakaPA@state.gov) WEBSITE: <http://dhaka.usembassy.gov>